



Doc. no 2210

I.  
Theologie.

№ 5046 \*






# Kriegs Zeitung / aus

dem Niderlande/ was sich erstlich den Siebenden Octobris/  
mit Scharmüßeln vnd einnehmung der Stadt Santtron/  
mit sampt dem Kloster/ hernachmals vmb S. Mertens tag/  
ferner zwischen dem Durchleuchtigen hochgeborenen Fürs-  
sten dem Prinzen von Oranigen/ einen liebhaber  
des heiligen Euangelions/ vnd seinem wies-  
dersacher Duca de Alba zugetragen/  
vnd verlossen hat.

# Item / von der Schla-

cht in Franckreich/ welche der Herkoga von Conde/ wieder  
den König vnd Guisischen hauffen eröbert hat.



1568.

*Handwritten marginal note on the left edge of the page, partially obscured and difficult to read.*









# Neue Zeitung/von

Santtrov auß dem Niderlande.

**E**s ist kurz verruckter tagen/ Nemlich den 7. Octo-  
bris dieses lauffenden Aecht vnd sechzigsten Jars/  
der Prinz von Oranigen mit seinem gansen Krie-  
ges heer von der Stadt Aech abgezogen/ des fürha-  
bens/ als wolte er auff Mastrreich ziehen/ als bald er aber auff  
die strasz kommen/ hat er sich sampt ein hauffen wider umb-  
gewend vnd die Maas hinab gezogen bis auff Stockumb/ da  
er dann das Leger auffgeschlagen/ vnd zween tag daselbst still  
gelegen/ den dritten tag ist er ober das wasser den grundt hi-  
nauff gezogen/ vnd haben seine Reuter die höhe ingehabt/ in  
vermeinung den Feind daselbs anzutreffen/ aber da ist nir-  
gendi kein Feind vnder augen noch zugegen gewesen. Also ha-  
ben sie allgemach den weg auff Mastrreich genommen/ vnd  
daselbs den Feind angetroffen. Es hat der Duc de Alba fünff  
hundert Schanckgreber daselbs zu arbeiten angestellt/ vnd ist  
er selbs mit seinem hauffen nicht weit darvon gewesen. Als  
dasselbig dem Prinz von Oranigen verkundschaft/ hat er  
ein geschwader Reuter an sie hingeschickt/ welche sie mit Feust-  
lingen ritterlichen angriffen/ auff sie abgeschossen/ vnd ein  
guten theil erlegt/ das alles zu dem end/ das sie den Duc de  
Alba gern zur Feldschlacht heraus gereist hetten/ aber es war  
vergebens.

Es hat aber der Duc de Alba sechzehn grosser zörniger  
Hauptstück für die Schanck gestelt/ welche all auff des Prinz-  
ken von Oranigen geschwader Reuter abgangen/ aber aus  
gnaden des Allmechtigen Gottes/ der die jenigen so auff ihn  
hoffen



hoffen nicht verlest/wie Dauid im Psalmen redt/keinen schaden gethan/ dann einen Reitsendrich ein Bein abgeschossen/ vnd ein Pferd oder drey verleset vnd beschediget.

Nach dem ist der Prinz wider von dannen auff Donner gezogen / da der Bischoff von Ypern/ so den wolgebornen Graffen/welche der Blutdurstige Tyran Duc de Alba vorhin hat Richten lassen/ vorgebettet hat/ mit Sechshundert Pferden zu ihm kommen/dieser hilfft/ vnd thut dem Prinzen von Oranigen wider den Duc de Alba stattliche hülff vnd beystand. Da sie ein meil wegs von Donner waren/haben sie das Leger geschlagen/ vnd den Sontag daselbs still gelegen. Volgenden Montag ließ der Prinz von Oranigen umschlagen/es solte der Troß/ Huren vnd Buben von dem Regiment ein anderen weg auff Santtroy ziehen/ dieweil sie im aber nicht volgen vnd gehorchen wolten/ sonder dem hauffen nachzogen/sein sie beraubt worden/ vnd ihnen anderthalbs hundert Reißwagen genommen. Am Frentag/als sie biß auff ein meil wegs zu der Stadt Santtroy kommen/ haben sie das Leger geschlagen/ vnd nach dem sie grossen mangel an Prouiand hatten/ haben sie folgenden Sampstag umb brot in die Stadt geschickt/ aber kein Brot/ sonder ein solche antwort empfangen/ es sey nemlich kein Brot für sie gebaeken/ sonder für den Duc de Alba. Als diese bottschaft in des Prinzen von Oranigen Leger kommen/ nimpt Claus von Hatstatt aus beuelch des Prinzen von Oranigen/ zu ihm zwey Zehnlin Teusscher von seinem Regiment/ zwey Zehnlin Niderlendischer starcker wolgerüster knecht/ zwey Zehnlin Gasconier/ vnd vier doppel Karthauen/ zeucht für die Stad vnd fordert sie auff. Aber die in der Stad waren handtueß/wolten sich nicht ergeben/ biß sie die Karthauen singen hörten/ da ergaben sie sich gern vnd mit willen.

1570

25

Nach



Nach dem sich diß verlauffen/ spielten die Haupteute mit einander/ welcher vnder ihnen in die Stadt ziehen solte/ vnd fiel das glück auff einen Hans von Nürnberg genant/ derselb zeucht hinein/ vnd mit jm Claus von Hatstatt/ welcher doch noch dem die Wacht besetzt vmb die Zehend vhr in der nacht/ wider heraus zu den andern ist gezogen. Am andern tag des morgens frü/ hat Hans von Nürnberg mit seinen Schützen das Kloster in der Stadt eingenommen/ vnd zwölff starcker Blattenhengst in ein tieffen gewelb funden/ den Abt aber in einem heimlichen gemach/ darinn er drey tag auff ein bengel gefessen/ so mit ein Seyl angehefft gewesen. Also hat er die beschornen Buben zusammen in ein Saal versperrt vnd eingeschlossen/ vnd ernstlich befohlen inen in acht tagen kein bitten zu essen geben. Als sie das verhandlet/ seind sie widerumb abgezogen zu dem anderen hauffen/ darnoch samenthafft auff Dinum verrückt/ vnd nach dem inen Duc de Alba auff dem fuß nachgeuolget/ haben sie sich gegen dem Feind umbgewendet/ einen ernsten Scharmüßel mit einander gehalten/ in welchem fast auff die Acht Hundert Spanier erlegt vnd erschlagen/ auch ein statlicher Spanischer Herr/ welchem der Duc de Alba allezeit zu Tisch zu dienen begert hat/ gefangen worden.

Endelich aber/ als der Duc de Alba vernommen/ wie das ein mechtiger hauffen Kriegsvolck auff der strassen fürhanden dem Prinzen von Oranigen zuenylte/ hatt er sich eylends mit sein Leger auffgemacht/ vnd gemeltem hauffen den weg zu vnderlauffen/ vnd ihn nider zulegen vnderstanden. Als solche bottschaft dem Prinzen von Oranigen zu kommen/ ist er demselbigen hauffen/ ihn von dem Duc de Alba zu erretzen/ entgegen gezogen/ vnd ist der Duc de Alba zwischen beide hauffen mitten ein kommen/ da dann auff beiden seitten



ernstlich gestritten/ vnnnd vber das/ das viel Volek zu beiden theilen blieben/ hat der Duc de Alba etliche Feldgeschütz das hinden lassen vnd verlieren müssen. Nach diesem lest der Prinz von Oranigen durch ein Trommeter/ dem Duc de Alba anzeigen/ wie er gegen ihm/ so er ihn sienge gesinnet/ ob er gegen ihm Kriegs Recht halten vnd brauchen wolte/ dar auff der Duc de Alba dem Prinzen von Oranigen/ nicht allein kein antwort geben/ sonder lest auch vngbürlicher weiß/ wider alle Kriegsrecht/ den Trommeter von stund an auff Knüpfen vnd hengen.

Also hat der Prinz von Oranigen seinen Feind/ den Duc de Alba/ mit hulff vnnnd gnad des Allmechtigen in die flucht geschlagen/ vnnnd etliche grosse Feldgeschütz erobert. Desgleichen der gefangen Spanisch Herr auch vorgemeldet/ ist an des Prinzen von Oranigen Wagen/ mit einer Ketten vmb sein Leib vnd armen gebunden/ angehefftet worden/ vnd wird also dem Leger nachgeführt.

Hirmit wolle meniglich den Barmherzigen Gott von Herzen anruffen vnnnd bitten/ das er vielgemeltem Prinzen von Oranigen/ sampt allen denen/ so vmb der warheit vnnnd des heiligen Euangelij willen/ grausamlich verfolget werden/ gnediglich wie er verheissen beystand leiste/ damit alle fürgenomne Türckische Practicken dem Euangelio zu wider vns derlauffen/ vnnnd durch die hulff des aller höchsten abgeschafft vnd zu nicht gemacht werden/ darzu vns helff Ihesus Christus vnser erlöser/ AMEN.



Von



# Von neuen Zeitung

en/hat man in langer zeit allhier nichts gewisses haben können/dann die post dermassen vorlegt sein/ das man bey nahe vnmüglich achtet durch zukommen/ Es wird aber jho von einer glaubwürdigen Person/so am vorgangenen Montag zu Anttorff außgezogen gesage/das man zu Anttorff für gewis halte.

Der Prinz habe dem Duca de Alba/ auff Mertens tag/ vber Acht tausent Personen abgeschlagen/ vnnnd seine macht dermassen geschwecht/das zu Anttorff öffentlich geredt werde/ Es sey nun mehr mit dem Duca de Alba verloren/vnnnd hat solche obgedachte Person nicht aus des gemeinen mans rede/Sondern von den jenigen/so mit vnd darben/Auch auff der Bahlstadt gewesen/die Todten gesehen/ vnd allhier zum theil ankommen sein/ gehort.

So ist auch dis gewis war/ das man ein grosse Anzahl vorwunder Personen/zu Löuen/Brüssel/hat sehen einfüren.

Es ist auch dem herrn Prinzen/ein zeitlang die Prouiant durch hefftige geschwinde anstellung des Duca de Alba fast eingezogen/wenig zugeführt worden/ Solchs hat seine S. G. bewegt/ mittel vnd wege zu suchen/ wie er die einwohner zu gehorsam bringen möchte/ hat derhalbē angefangē redlich zu Brennen/vnd wie man sagt/ sind in die 20. Dörffer inn die Flamme an ff einen ort gestellet worden/welchs die andern bewegt haben/ des vnangesehen des Albanischen gebots/ sie nun mehr reichlich Prouiant zu führen.

So viel Frankreich belanget/ helt man ganz für gewis/ vnd vnzweiffelhafftig/ das der von Conde/ dem König vber Zehen tausent in einer Schiacht erschlagen/vnnnd die besten

Munie



Munition abgenommen haben/ Vnd ist in sonderheit den armen Christen zu gute/ der Bluthundt von Guisa Tode blieben/ vnd des Königs Bruder/ so dieses Krieges ein Haupt vrsach vnd führer hat sein sollen/ gefangen worden/ Der Allmechtige Gott wolle sie vnd andere Feinde der armen Christen/ ferner stärken vnd straffen.

Zu dieser stunde ist schreiben von Paris kommen/ Darin auff's new bestetigt worden ist/ das der König die Schlacht gegen dem von Conde verloren/ vnd der von Guisa Tode blieben sey.

So viel aber des Königs Bruder belanget/ wird vormeldet/ das er von grosser Noth/ sey entpflohen/ vnd nicht gefangen worden.

So viel aber oben angezeigte zeitungen von dem Herrn Prinzen betreffen thut/ Ist dieselbige diesen morgen abermals bestetiget worden/ durch Heinrich Kramers diener/ welcher am vorgangenen Donnerstag von Anttorff ausgezogen/ der zeigt an/ das den 13. tag Nouembris/ des Herren Prinzen Volck dem Duca de Alba/ das beste theil seiner Leute abgeschlagen/ vnd vnter anderm 24. Fehnlein eröbert haben/ Duca de Alba aber sampt seinem Spanischen hauffen/ hat sich dauon gemacht/ gleichwol sind etliche fürneme Spanische Herrn blieben/ deren Namen man noch nicht eigentlich kan wissen/ Gott dem Allmechtigen sey lob für diese herrliche Victoria.

Es zeigt auch vorgenanter Heinrich Kramers diener an/ das in dem Lande nun mehr fast von jederman/ dem Duca de Alba verloren geben werde/ vnd das er sich auch lenger nicht zu Felde werde finden lassen/ Die Schlacht soll geschehen sein nicht weit von Bergen inn Honnegaw/ zwischen Balozin/ vnd hat der Herr Prinz sampt dem Hauffen/ den zug auff Arthois genommen. Diesen



Diesen Nachmittag ist abermals das geschrey von der Albanischen niderlag/auffs newe bestetiget worden/durch ein schreiben/ so von Brüssel kommen ist/ vnd hat derjenige/ so solchs geschrieben/ die zeittungen von dem Presidenten Sigilo selbst gehort/ Derhalbē sie desto vnzweiffelhafter zuhalten/ Es sol aber solche Niderlag geschehen sein/ nicht wie man gesagt hat auff S. Mertens tag/ Sondern den vorgehenden Sonnabend nach Martini/ welcher gewesen ist der 13. tag Nouembris/ vnd soll zugangen sein wie folget.

Nach dem der Herr Prinz nun eine geringe zeit/ alle gelegenheit gesucht hat/ den Duca de Alba zu schlagen zubringen/ vnd aber derselbige/ dargegen sich jeder zeit in seinem vorthail listiglich auffgehalten hat/ Der Prinz ihme einen abbruch zu thun endliche Ordennunge gethan/ das vngefērllich 5000. Reutter sich in einen Walt/ nahe bey dem Lager gelegen/ den morgen heimlich begegnet haben/ in meinung den ankommenden Feind/ daselbst mit vorthail anzugreifen.

Darauff hat sich der Prinz gestellt/ als ob seine S. G. mit dem Leger auff brechen/ vnd fürwarts rucken wolt/ Damit auch die Albanischen aus ihrem vorthail gelocket/ vnd zu dem bestelten Pancket bracht möchten werden/ hat der Prinz ein Dorff so hart bey dem Leger gelegen/ anstecken vnd brennen lassen/ als nun die Albanischen das Fewr gesehen/ haben sie für gewis gehalten/ der Prinz were im vorruck/ vnd hette das Leger angesteckt.

Haben derwegen in dem nachzug mit ernst zu gefallen/ vnd etwas statlichs aus zurichten/ ihnen vor genommen/ Als nun sie also dem Leger zu mit grosser Eyl/ vnd ohne einige Ordnung gedrungen haben/ die bestelten Köch/ Nemlich/ die Schwarzen Reuter sich mit ihren gerichten/ hinder die Albanischen ganz vnvorsehens gemacht/ vnd sie zu Rück ernstlich

B

anges

*Alba  
Anthon*



angegriffen/ Gleicher gestalt hat man von ferne her aus dem  
Leger sie auch mit Fehr vnd Kugeln entpfangen/ vnd ist derz  
massen mit ihnen vmbgangen worden/ das dem Prinzen  
24. Fehlein zugeschleiff vnd bracht worden seind/ Darun-  
ter dann insonderheit die/ welche leichte Pferde (so sonsten  
grossen schaden gethan) gewesen/ vnd gar erlegt sein sollen/  
gleichsals auch der mehrer theil der Benden/ vnd sonderlich  
die Bende des von Horns vnd Arenbeck's/ sollen gar erleget  
sein/ vnd ist vnter andern blieben der Herr von Bassaw/  
Item/ der Herr von Taulen/ Item/ der General Capittan/  
des Duca de Alba/ vnd wird gesagt/ des von Borltmons  
Son sey gefangen worden.

Diese Vittorij hat dem Duca de Alba das Herke gar  
kleine gemacht/ vnd wird für gewis gesagt/ das er sich entz  
schlossen habe nun mehr dem Prinzen nicht ferner nach zu  
folgen/ Sondern sich in die Festung zugeben.

Der Prinz soll jekunder bey Arthois liegen/ vnd man hat  
hoffnunge/ seine S. G. werde in kurzen ferner glück erlan-  
gen.

Es sind wenig Spanier bey dieser Schlacht gewesen/  
dann Duca de Alba dieselbige fast zu bewahrunge seines Ty-  
rannischen Cörpers brauchen soll/ darff solch Kleinot from-  
men Leuten nicht vortrawen.

Es ist mir auch diesen Abent angezeigt worden/ das der  
Prinz vnd seine S. G. gebrüder vnd andere Teutsche herrn/  
bey solchem angreifen Persönlich nicht gewesen/ Sondern  
sich im Leger gerüst gehalten haben/ verhoffen es solle zur  
ganken Feldschlacht geraten sein/ Datum Cöln/ den


ein vnd zwanzigsten Nouembris/ Anno im  
Tausent / Fünff hundert/ Acht vnd  
Sechzigsten Jare.







Faint, illegible text at the top of the page, possibly a title or header.



Faint, illegible text at the bottom of the page, possibly a footer or a note.





vi. Summa de tristi hujus postremi seculi Statu  
deq. miseris Ecclesia omnium temporum. Aut:  
Nic. Batichero: Wittenb: ab: 1564.

18. vray Pabstun. Das ist ein vordessung kaiserlicher  
Listiger u. vorder practiquen vntersandte, die Inquisition  
u. Observation der Schutzwigen placatum von Cardi-  
nate Granduella, und seiner Aufseherfundan p. A. M. D. LXVI

19. Vorfassungs vnterzeitung von der vordessung Disput, die  
von vnterzeitung gefaltan ist worden, zwischen Herzog Ludwig  
von Nassau und vnterzeitung von vnterzeitung p. geschoben den 23.  
Maji ab: 1568.

20. Vnterzeitung vnterzeitung vnterzeitung, vnterzeitung vnterzeitung  
7. Octobr: mit vnterzeitung und vnterzeitung der  
Stadt Santtrov, vnterzeitung, Item von der vnterzeitung  
vnterzeitung, welche der Herzog von Condé vnterzeitung von  
vnterzeitung und vnterzeitung vnterzeitung vnterzeitung, 1568.

AB 40  $\frac{21}{43}$

ULB Halle 3  
001 967 576  


Sb







Inches 1 2 3 4 5 6 7 8 9 10 11 12 13 14 15 16 17 18 19  
Centimetres

Farbkarte #13

B.I.G.

Blue Cyan Green Yellow Red Magenta White 3/Color Black



17

# ing / aus

en Siebenden Octobris/  
z der Stadt Santtroy/  
ls vmb S. Mertens tag/  
gen hochgebornen Fürz  
gen/ einen liebhaber  
vnd seinem wies  
zugetragen/  
hat.

# r Schla=

zoa von Conde/wieder  
auffen eröbert hat.

